



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-34-27067-1/21
Sarajevo, 21. 07. 2021. godine

Na osnovu člana 3., a u vezi sa čl. 4. i 5. tačka b) alineja 2) i člana 6. stav (3) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo”, broj: 33/11, 3/12 - Ispravka, 37/13, 16/14, 6/17, 43/20 i 20/21), ministrica za odgoj i obrazovanje Kantona Sarajevo objavljuje

JAVNI POZIV

za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata **iz oblasti inkluzivnog odgoja i obrazovanja** za podršku djeci i mladima s teškoćama do 26. godine života, iz Budžeta Kantona Sarajevo za 2021. godinu, sa pozicije Ministarstva za odgoj i obrazovanje Kantona Sarajevo

Predmet javnog poziva je prikupljanje zahtjeva neprofitnih organizacija i udruženja za dodjelu sredstava za finansiranje/sufinansiranje projekata **iz oblasti inkluzivnog odgoja i obrazovanja za podršku djeci i mladima do 26. godine života za 2021. godinu.**

Pravo podnošenja zahtjeva imaju neprofitne organizacije i udruženja u skladu sa članom 2. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo”, broj: 33/11, 3/12 - Ispravka, 37/13, 16/14, 6/17, 43/20 i 20/21), koji za sredstva iz Budžeta apliciraju u svrhu finansiranja/sufinansiranja projekata koji su od interesa za građane Kantona Sarajevo ili doprinose razvoju i afirmaciji Kantona.

Dodjela sredstava po ovom javnom pozivu vršit će se za projekte za koje je nadležno tijelo/organ neprofitne organizacije, odnosno udruženja donijelo odluku da će se realizirati u 2021. godini.

Projekat neprofitne organizacije/udruženja koji se kandiduje za dodjelu sredstava po ovom javnom pozivu mora da ispunjava sljedeće **Opće kriterije** koji će se vrednovati prilikom dodjele sredstava:

- registracija neprofitne organizacije ili udruženja na bilo kojem nivou vlasti u Bosni i Hercegovini;
- realizacija projekata neprofitne organizacije ili udruženja koji su od interesa za građane Kantona ili doprinose razvoju i afirmaciji Kantona;
- ekonomska ili društvena opravdanost projekta koji neprofitna organizacija ili udruženje predlaže i provodi;
- program rada za tekuću godinu sa obrazloženjem;
- finansijski plan za tekuću godinu;



- izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
- finansijski izvještaj o utrošku sredstava za projekte odobrene u prethodnoj godini;
- organiziranost i broj članova udruženja ili neprofitne organizacije;
- broj lica koja učestvuju u realizaciji projekta;
- specifičnost potreba članova neprofitne organizacije/udruženja, odnosno populacije koju zastupaju;
- rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

Posebni kriteriji na osnovu kojih se ocjenjuju prijave, su sljedeći:

- dosadašnje iskustvo podnosilaca aplikacije u provođenju istog ili sličnih projekata (primjer: obezbijedena saradnja sa institucijama i ustanovama iz oblasti odgoja i obrazovanja; u proteklom periodu realizovani treninzi, odnosno edukativno-iskustvena predavanja koja se tiču porodica djece i mladih s teškoćama u obrazovnim institucijama, nevladinim organizacijama i drugo);
- kvalitet planiranih aktivnosti i metode provođenja, te njihova povezanost sa ciljem koji se želi postići realizacijom projekta;
- budžet projekta razrađen/specificiran sa informacijama o ukupnom iznosu finansijskih sredstava potrebnih za provođenje projekta, iznosu koji se traži od Ministarstva za odgoj i obrazovanje Kantona Sarajevo, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje projekta (sufinansiranje), direktni troškovi provođenja projekta razrađeni po izvorima finansiranja, indirektni troškovi provođenja projekta;
- da podnosilac aplikacije nije dobio finansijska sredstva sa pozicije Ministarstva za odgoj i obrazovanje Kantona Sarajevo u 2021. godini;
- da projekat doprinosi razvijanju sposobnosti djece i mladih s teškoćama u segmentu obrazovane djelatnosti;
- da projekat doprinosi popularizaciji predškolskog, osnovnog i srednjeg obrazovanja sa akcentom na obrazovanje djece i mladih s teškoćama;
- da je projekat usmjeren na jačanje, zaštitu i pružanje podrške cjelokupnoj porodici djece i mladih s teškoćama;
- da projekat doprinosi uklanjanju različitih oblika diskriminacije i stvaranju uvjeta da svako dijete ima pristup kvalitetnom obrazovanju;
- da projektne aktivnosti doprinose uključivanju većeg broja djece i mladih s teškoćama.

Neprofitne organizacije i udruženja koja apliciraju na Javni poziv obavezne su dostaviti sljedeću dokumentaciju:

1. Popunjen Prijavni obrazac potpisan od ovlaštenog lica i ovjeren pečatom neprofitne organizacije/udruženja (**Obrazac UNO - 21**);
2. Kratki opis prijedloga projekta (maksimalno jedna stranica) potpisan od ovlaštenog lica i ovjeren pečatom neprofitne organizacije/udruženja;
3. Ovjerena kopija rješenja o registraciji neprofitne organizacije/udruženja na bilo kojem nivou vlasti u Bosni i Hercegovini, izuzev neprofitnih organizacija i udruženja koja su registrovana na nivou Kantona Sarajeva, za koja uvjerenje/potvrdu iz Registra udruženja od Ministarstva pravde i uprave Kantona Sarajevo pribavlja po službenoj dužnosti Ministarstvo za odgoj i obrazovanje Kantona Sarajevo;



web: <https://mo.ks.gov.ba>
 e-mail: mo@mo.ks.gov.ba;
 Tel: + 387 (0) 33 562-128
 Sarajevo, Reisa Džemaludina Čauševića 1



4. Uvjerenje o poreskoj registraciji - identifikacioni broj (ovjereni kopija);
5. Uvjerenje o izmirenim poreskim obavezama (original ili ovjereni kopija, ne starije od tri mjeseca);
6. Uvjerenje o izmirenim porezima i doprinosima za zaposlenike - ukoliko ima zaposlenika (original ili ovjereni kopija). Podnosilac koji nema uposlenih i neizmirenih obaveza dostavlja ovjereni izjavu kod nadležnog organa kojom potvrđuje da nema uposlenih i neizmirenih obaveza;
7. Bilans stanja i bilans uspjeha ovjereni od strane nadležne poreske uprave za prethodnu godinu;
8. Izvještaj o utrošku sredstava za projekte odobrene u prethodnoj godini, potpisan od ovlaštenog lica i ovjeren pečatom neprofitne organizacije/udruženja;
9. Ovjereni izjava kod nadležnog organa (Općina) da podnosilac aplikacije nije dobio finansijska sredstva sa pozicije Ministarstva za odgoj i obrazovanje Kantona Sarajevo u 2021. godini;
10. Program rada za 2021. godinu sa obrazloženjem (potpisan od ovlaštenog lica i ovjeren pečatom neprofitne organizacije/udruženja);
11. Finansijski plan za 2021. godinu (potpisan od ovlaštenog lica i ovjeren pečatom neprofitne organizacije/udruženja);
12. Izjava o ukupnom broju i strukturi članova/uposlenika podnosioca potpisana od ovlaštenog lica i ovjereni pečatom neprofitne organizacije/udruženja;
13. Dokaz o uredno podnesenom izvještaju Ministarstvu za odgoj i obrazovanje o utrošku dodijeljenih sredstava iz Budžeta Kantona Sarajevo za 2020. godinu, prije dana objave ovog javnog poziva (potvrda nadležnog Ministarstva ili Službe za protokol Kantona Sarajevo o prijemu izvještaja o utrošku sredstava);
14. Dokaz o iskustvu podnosioca u provođenju istog ili sličnih projekata (primjer: potvrda institucije ili ustanove iz oblasti odgoja i obrazovanja o obezbijeđenoj saradnji, potvrda o realizovanoj saradnji sa institucijom ili ustanovom iz oblasti odgoja i obrazovanja, potvrda o radu na projektima sa domaćim ili međunarodnim donatorom koju izdaje donator ili ovjereni kopija ugovora zaključenog sa donatorom, potvrda obrazovne institucije ili nevladine organizacije o uspješnoj realizaciji treninga, odnosno edukativno-iskustvenih predavanja koja se tiču porodica djece i mladih s teškoćama u razvoju u obrazovnim institucijama, nevladinim organizacijama i drugo).

Prijava na Javni poziv obavezno se podnosi u formi popunjenog prijavnog obrasca (**Obrazac UNO-21**) koji se može preuzeti sa web stranice Ministarstva za odgoj i obrazovanje Kantona Sarajevo ili na Protokolu Kantona Sarajevo. **Prijave koje ne budu podnesene u formi propisanog prijavnog obrasca smatrat će se neurednim i neće biti razmatrane.**

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom „ **NE OTVARAJ** – Prijava na Javni poziv za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata **iz oblasti inkluzivnog odgoja i obrazovanja** za podršku djeci i mladima s teškoćama do 26. godine života, iz Budžeta Kantona Sarajevo za 2021. godinu, sa pozicije Ministarstva za odgoj i obrazovanje Kantona Sarajevo“ na adresu:

KANTON SARAJEVO
MINISTARSTVO ZA ODGOJ I OBRAZOVANJE
Ul. Reisa Džemaludina Čauševića br. 1, 71000 Sarajevo
sa naznakom podataka o aplikantu (naziv i adresa)

Rok za predaju prijava na Javni poziv je 20 dana od dana objave u dnevnom listu „Oslobodjenje” i na Web stranici Ministarstva za odgoj i obrazovanje Kantona Sarajevo.



web: <https://mo.ks.gov.ba>
e-mail: mo@mo.ks.gov.ba
Tel: + 387 (0) 33 562-128
Sarajevo, Reisa Džemaludina Čauševića 1



Neblagovremene, nepotpune i neuredne prijave neće biti razmatrane.

Pregled, odnosno razmatranje pristiglih prijava na Javni poziv i utvrđivanje preliminarne rang liste projekata koji ispunjavaju uvjete za dodjelu sredstava, sa pozicije Ministarstva za odgoj i obrazovanje Kantona Sarajevo, izvršit će Komisija koju imenuje ministrica za odgoj i obrazovanje Kantona Sarajevo. Preliminarna rang lista bit će objavljena na web stranici Ministarstva. O prigovorima na preliminarnu rang listu odlučuje ministrica za odgoj i obrazovanje Kantona Sarajevo, nakon čega ministrica donosi odluku o utvrđivanju konačne rang liste dobitnika sredstava po Javnom pozivu, najkasnije do 20. 09. 2021. godine, a ista će biti objavljena na web stranici Ministarstva. Navedena odluka je konačna.

Za eventualne dodatne informacije i pojašnjenja o javnom pozivu obratite se na broj telefon: 033/562-262 ili 033/562-134.

MINISTRICA

Naida Hota-Muminović, s.r.

Dostavljeno:

1. Naslovu;
2. Arhivi



web: <https://mo.ks.gov.ba>
e-mail: mo@mo.ks.gov.ba;
Tel: + 387 (0) 33 562-128
Sarajevo, Reisa Džemaludina Čauševića 1

